

內前所得衣應持後所得衣應捨等或可翻此若不作法至十一日明相出時二日中所得衣皆泥薩祇波逸底迦如是乃至三日等得衣准事應知若苾芻一日得二衣乃至二日等得衣應同前作法若不作法至十一日明相出皆泥薩祇波逸底迦

若苾芻一日得衆多衣若前若後應持一衣餘皆作法若不作法至十一日明相出時皆泥薩祇波逸底迦若苾芻一日得衆多衣二日已去亦得衆多衣作法同前若不作法至十一日明相出時得罪同前此等皆是由前染後相續生過故若苾芻犯泥薩祇衣此衣

不捨其不經宿罪不說悔若得餘衣皆犯捨墮若苾芻其泥薩祇衣雖捨而不經宿罪不說悔餘所得衣並犯捨墮若捨衣經宿而罪不說悔得所餘衣並犯捨墮由前條故若苾芻畜長衣已犯捨墮不為三事凡所得衣若鉢鉢絡水羅罽條乃至隨有所得沙門資具

磧砂大藏經

根本說一切有部毗奈耶

卅

第六六册

養命之緣並泥薩祇波逸底迦由前染故若捨衣經宿其罪說悔得所餘衣並皆無犯又無犯者最初犯人或癡狂心亂痛惱所纏此初戒所明犯相三事法式自餘諸戒相似之事更不重言其不同者隨事別出

十五末

根本說一切有部毗奈耶卷第十六 去六

術縣音嬰一盈餌仍志疹下音劬音酷苦篤
辜孤音懾反業擣幼稚利直繒疾悼音銳
羊歲臻湊上側巾反獷暴上俱悵反莫結那馳
下甲笈反其業壓音屏餅音法反逆拮反口解褒必
也反長衣文上音軌範下音俱犯縫刺七音逢下

根本說一切有部毗奈耶卷第十七 去七

唐三藏法師義淨奉 制譯

離三衣學處第二

尔時薄伽梵在室羅伐城逝多林給孤獨園時諸苾芻多畜三衣隨安居處所得衣財浣染刺已內衣袋中繫縛使牢寄主人苾芻便

著上下二衣遊行人間既去之後主人苾芻
 為彼藏舉暴曬開張多有作務遂廢讀誦攝
 念思惟省事苾芻便生嫌賤咸作是語如何
 苾芻多畜長衣妨他正業時諸苾芻以此因
 緣具白世尊世尊以此因緣集苾芻眾為諸
 苾芻讚歎少欲杜多正行告諸苾芻我觀十
 利廣說如前為諸苾芻制其學處應如是說
 若復苾芻作衣已竟羯耻那衣復出於三衣
 中離一一衣界外宿下至一夜泥薩祇波逸
 底迦
 佛在王舍城竹林中住是時具壽大迦葉波
 亦住此城西尼迦窟此時僧伽同一袈灑陀
 界時諸苾芻至十五日袈灑陀時並皆現集
 惟待大迦葉波待大迦葉波從窟發來路經
 賢雨河遇河瀑長渡水之時大衣被濕便綖
 去水曬曝時乾遂便晚至往袈灑陀處於大
 眾中就座而坐時諸苾芻白迦葉波曰我等
 諸人至袈灑陀已並已詳集惟待尊者何故

晚來時具壽大迦葉波對大眾中具述前事
 我迦葉波年邁衰老大衣厚重擊負誠難為
 斯來晚我今不知其事如何時諸苾芻以此
 因緣具白世尊佛言汝諸苾芻應與大迦葉
 波苾芻年邁衰若作不離僧伽抵羯磨若更
 有餘如是流類應如是與鳴犍雜集眾已下
 至四人得為作法時迦葉波苾芻隨其大小
 為敬事已在上座前踣踞而住合掌作如是
 白大德僧伽聽我迦葉波苾芻年邁衰老今
 從眾僧乞不離僧伽抵法唯願僧伽與我迦
 葉波苾芻年邁衰老不離僧伽抵法慈愍故
 如是三說時諸苾芻應作白羯磨廣如百一羯磨中具述
 若其僧伽與彼苾芻作不離僧伽抵法已應
 著上下二衣人間遊行勿致疑惑是時舍利
 子在在在此會坐便白諸苾芻曰我有風患僧
 伽抵重不能擔荷其欲如何諸苾芻聞已白
 佛佛言汝等應與舍利子為有風患作不離
 僧伽抵法若更有餘如是流類如常集眾乃

去七

二

至四人應入衆乞准迦葉波乞法及羯磨應作說得法已同前遊行

介時世尊讚歎持戒少欲知足杜多功德爲最端嚴告諸苾芻曰前是創制後是隨開爲諸苾芻制其學處應如是說

若復苾芻作衣已竟羯耶那衣復出於三衣

中離一一衣界外宿下至一夜除衆作法泥

薩祇波逸底迦

衣已竟羯耶那衣復出有四句差別廣如前說言離一一衣者於僧伽胝唄咀羅僧伽安咀婆婆三衣之中離一一衣異界而宿乃至明相出除僧羯磨泥薩祇波逸底迦此犯捨

物同前作法此中犯相其事云何

攝頌曰

一二多舍村 牆籬塹圍繞 伎樂外道舍

鋪店及樓場 堂車船林樹 皆有四不同

於四威儀中 護衣應善識

有一舍村二舍村多舍村牆圍村籬圍村塹

圍村一村有一勢分有多勢分多村有一勢分有多勢分一家有一勢分有多勢分多家有一勢分有多勢分如是應知若伎樂家外道家若鋪店樓及場堂車船林樹皆有一多勢分四種不同

云何一舍村謂山野人同居一舍此齊幾何

去七

三

是其勢分謂盡舍內外有一尋又復齊其春擣炒磨食噉飲食聚會之處亦名勢分若苾芻衣在舍中身居勢分或衣居勢分身舍中明相出時此無有犯若置衣舍內及勢分中身居異處乃至明相未出已來得惡作罪明相出時得泥薩祇波逸底迦一舍既亦二舍亦然云何多舍村謂村內人家門無次第聊亂而住此齊幾何名爲勢分爲異爲同答此村無勢分有異無同離衣分齊據家爲准云何牆圍村謂村四面以牆圍繞此齊幾何名爲勢分謂盡牆內外有一尋又復齊其雜飛墜處又齊懷慙媿人便利之處是其勢分

餘如前說云何籬圍村謂村四面以籬圍繞此齊幾何名為勢分謂盡籬內外有一尋又復齊其十二肘梯所及之處又齊六牛竹草迴轉之處是其勢分云何塹圍村謂村四面以塹圍繞此齊幾何名為勢分謂盡塹內外有一尋又復齊其牛羊足塵所及之處又齊棄糞掃時鹿大輓石所及之處是其勢分云何一村有一勢分謂於此村有一園林一神廟眾集之處是謂一村有一勢分此齊幾何名為勢分謂盡園林外有一尋又復齊其春擣炒磨食噉飲食聚會之處是其勢分云何一村有多勢分謂於此村有多園林多神廟眾集之處是謂一村有多勢分此齊幾何名為勢分為異為同若此無勢分但齊室中說云何多村有一勢分謂此多村有一園林一神廟眾集之處是謂多村有一勢分此齊幾何名為勢分村中並是外各一尋又復齊其春擣炒磨食噉飲食聚會之處亦名勢分云

何多村有多勢分謂此多村有多園林多神廟眾集之處是謂多村有多勢分此齊幾何名為勢分為異為同若此無勢分餘並如前云何一家有一勢分謂此家中惟一家長兄弟不分是謂一家有一勢分事並同前一舍村說云何一家有多勢分謂此家中有多家長兄弟分別是謂一家有多勢分此齊幾何名為勢分謂齊門來更無勢分云何多家有一勢分謂諸家中惟一家長兄弟不分是謂多家有一勢分云何多家有多勢分謂此諸家有多家長兄弟分別此齊幾何名為勢分何共何別若此無勢分云何一伎樂家有一勢分謂此家中有一家長兄弟不分是謂一家有一勢分此齊幾何名為勢分宅中摠是外有一尋又復齊其安置竿鼓琵琶簫笛捺理供具聚會飲食處來亦是勢分云何一伎樂家有多勢分謂此家中有多家長兄弟分別是謂一家有多勢分此齊幾何名為勢分

何共何別別謂據彼兄弟所居分齊共謂安置幡竿處來云何多伎樂家有一勢分謂此諸家惟一家長兄弟不分是謂多家有一勢分此齊幾何名為勢分宅中摠是外有一尋又復齊其安置竿等並名勢分云何多伎樂家有多勢分謂此諸家有多家長兄弟分別

此齊幾何名為勢分何共何別答此無勢分云何一外道家有一勢分謂此家中同一見解無別意趣此之勢分宅中摠是外有一尋又齊曬曝牛糞安置柴薪皮服軍持祠祀篋灼火鑪呪祭春擣飲食聚會處來云何一外道家有多勢分謂此家中有多見解意趣不

去七

五

同此之勢分何共何別謂齊天祠云何多外道家有一勢分謂諸家中同一見解無別意趣此之勢分宅中摠是外有一尋又齊曬曝牛糞等處云何多外道家有多勢分謂此諸家有多見解意趣不同此之勢分何共何別答此無勢分云何一鋪有一勢分謂此鋪中

有一家長兄弟不分此之勢分中間摠是外有一尋又齊安置貨物計稱量度交易之處云何一鋪有多勢分謂此鋪中有多家長兄弟分別此之勢分何共何別謂交易坐牀云何多鋪有一勢分謂此諸鋪惟一家長兄弟不分此之勢分中間摠是外有一尋又齊安

置貨物等處云何多鋪有多勢分謂此諸鋪有多家長或兄弟分別此齊幾何是其勢分何共何別答此無勢分

云何一店有一勢分謂此店中有一家長兄弟不分此之勢分中間摠是外有一尋又齊安置小麥大麥油麻小豆粟米粒米劫貝絲

綿衣裳等物計稱量度交易之處

云何一店有多勢分謂此店中有多店主或兄弟分別此齊幾何是其勢分何共何別謂著物板店處云何多店有一勢分謂此諸店唯一店主兄弟不分此之勢分中間摠是外有一尋又齊安置麥豆等物云何多店有多

勢分謂此諸店有多店主或兄弟分別此齊
 幾何是其勢分何共何別答此無勢分云何
 一樓有一勢分謂此樓中有一樓主兄弟不
 分此之勢分中間摠是外有一尋又齊聚會
 飲食處來云何一樓有多勢分謂此樓中有
 多樓主或兄弟分別此齊幾何是其勢分何
 共何別謂安置梯處云何多樓有一勢分謂
 此諸樓有一樓主兄弟不分此之勢分中間
 摠是外有一尋聚會飲食云何多樓有多勢
 分謂此諸樓有多樓主或兄弟分別此齊幾
 何是其勢分何共何別答此無勢分云何一
 場有一勢分謂此場中有一場主兄弟不分
 此之勢分中間摠是外有一尋安置穀麥筥
 斗之處云何一場有多勢分謂此場中有多
 場主或兄弟分別此齊幾何是其勢分何共
 何別謂場界畔云何多場有一勢分謂此諸
 場有一場主兄弟不分此之勢分中間摠是
 外有一尋安置穀麥云何多場有多勢分謂

去七

六

此諸場有多場主或兄弟分別此齊幾何是
 其勢分何共何別答此無勢分云何一堂有
 一勢分謂此堂中有一堂主兄弟不分此之
 勢分中間摠是外有一尋謂繫牛馬處剉草
 糞所及之處云何一堂有多勢分謂此堂
 中有多堂主或兄弟分別此齊幾何是其勢
 分謂到門內云何多堂有一勢分謂此諸堂
 有一堂主兄弟不分此之勢分中間摠是外
 有一尋謂繫牛馬剉草糞所及之處云
 何多堂有多勢分謂此諸堂有多堂主或兄
 弟分別此齊幾何是其勢分何共何別答此
 無勢分云何一車有一勢分謂此一車有一
 車主兄弟不分此之勢分謂駕車行住中間
 摠是外有一尋食噉飲食繫牛剉草糞及
 處云何一車有多勢分謂此一車有多車主
 或兄弟分別此齊幾何是其勢分謂齊車輓
 何共何別共謂軼處云何多車有一勢分謂
 此諸車有一車主兄弟不分此之勢分謂駕

去七

七

車行處云何多車有多勢分謂此諸車有多
車主或兄弟分別此齊幾何是其勢分何共
何別答此無勢分云何一船有一勢分謂此
一船有一船主兄弟不分此之勢分謂船行
住中間揔是外有一尋謂繫船處食噉飲食
云何一船有多勢分謂此一船有多船主或
兄弟分別此齊幾何是其勢分謂齊船邊云
何多船有一勢分謂此諸船有一船主兄弟
不分此之勢分謂船行住云何多船有多勢
分謂此諸船有多船主或兄弟分別此齊幾
何是其勢分何共何別答此無勢分云何一
林有一勢分謂此林中有一林主兄弟不分
此之勢分謂此林內中間揔是外有一尋又
復齊其採華之處食噉飲食云何一林有多
勢分謂此一林有多林主或兄弟分別此齊
幾何是其勢分謂齊井來云何多林有一勢
分謂此諸林有一林主兄弟不分此之勢分
中間揔是外有一尋採華及處云何多林有

多勢分謂此諸林有多林主或兄弟分別此
齊幾何是其勢分何共何別此無勢分云何
一林有一勢分謂枝葉交密所及之處中間
揔是外有一尋又於五月日正中時樹影及
處若無風時華葉菓子墮落之處及天雨時
水滴及處云何一樹有多勢分謂樹枝葉疎
散不交此齊幾何是其勢分何共何別謂是
齊樹根云何多樹有一勢分謂此諸樹枝葉
相交覆所及處中間揔是云何多樹有多勢
分謂此諸樹各各相離枝葉不交此齊幾何
是其勢分何共何別苾芻有犯無犯念時具
壽耶波離白佛言世尊大德若苾芻行住坐
卧時齊幾許來是離衣勢分佛言如生聞婆
羅門種菴沒羅樹相離七尋華菓茂盛此七
樹間有四十九尋齊此已來是行苾芻不失
衣分齊過此便失若住坐卧時但一尋內若
三界中間卧時衣角不離身來是其勢分若
苾芻離衣宿應爲三事犯不犯文並如前說

去七

八

一月衣學處第三

佛在室羅伐城給孤獨園時諸苾芻多畜衣有得青衣不即作衣但知舉畜更望餘者若得如是相似之物我當作衣如青既然後黃赤白衣及得厚薄亦皆貯畜時少欲苾芻共生嫌賤云何苾芻多畜衣物積而貯畜不肯作

衣時諸苾芻以此因緣具白世尊佛以此緣具問諸苾芻諸苾芻言實尔世尊訶責廣說如前我觀十利為諸聲聞弟子於毗奈耶制其學處應如前說

若復苾芻作衣已竟羯耻那衣復出得非時衣欲須應受受已當疾成衣若有望處求令

滿足若不足者得畜經一月若過者泥薩祇波逸底迦

若復苾芻衣已竟羯耻那衣已出有四句廣如前說言得非時衣者何者是時何者非時若住處不張羯耻那衣者一月謂從八月十六日至九月十五日若住處張羯耻那衣者

五月謂從八月十六日至正月十五日是名時餘名非時若有望處者謂衣少更求得畜一月者謂有望處於父母兄弟姊妹師主等處當與我衣若五年會若六年會若頂髻會若盛年會我當得衣若足者善若三衣隨一不足者得齊一月若過畜者泥薩祇波逸底

去七

九

迦廣如前說此中犯相其事云何

攝頌曰

有望無望處 望斷不同衣 新故糞掃殊 條數肘量等

若苾芻月一日得少青色衣未作而畜有希望處若得如是同色衣時我當作衣即於是

日得同色衣彼苾芻於十日內作衣應持應捨應作法若不持不捨不作法至十一日明相出泥薩祇波逸底迦

若苾芻一日不得餘衣二日方得衣三日得衣乃至十日得衣彼苾芻於十日內作衣應持應捨應作法若不持不捨不作法至十一

日明相出泥薩祇波逸底迦

若苾芻十日不得餘衣十一日不得十二日不得乃至十九日不得衣二十日方得餘衣即應如前作法若不作法犯捨墮

若苾芻二十一日不得餘衣乃至二十九日得餘衣三十日內作衣應持應捨應作分別

若不持不捨不作分別三十一日明相出泥薩祇波逸底迦由前得衣相染續故如得青色衣既尔得餘色衣事皆同此

若苾芻一日得青色衣不作而畜無別望處便作是念若得如是同色衣者我當作衣即於是日得同類衣時苾芻於十日內作衣應

持應捨應作分別若不作法者至十一日明相出時泥薩祇波逸底迦若一日不得餘衣二日得衣乃至三十日得衣廣如前說如得青色衣既尔得餘色衣等事皆同此

若苾芻一日得青色衣不作而畜有希望處然希望處時節長遠不稱所求無力能得或

於是日得青色衣於十日內應作衣如是廣說乃至三十日方得餘色衣事同前說

若苾芻一日得青色衣不作而畜有希望處其所望處雖未得衣心不斷絕或於是日得青色衣如前廣說若苾芻一日得青色衣不作而畜情有希望若所望處皆斷絕者彼苾

去七

十

芻所得之衣於十日內應持應捨如前廣說尔時具壽鄔波離白佛言大德有幾種衣佛言有二種一新一故新謂新織故謂曾經四月著用鄔波離復有五種衣一有施主衣二無施主衣三往還衣四死人衣五糞掃衣云何有施主衣謂有女男半擇迦為其施主云何無施主衣謂無女男半擇迦為其施主云何往還衣如有死人眷屬哀念以衣贈送置於屍上送至燒處既焚葬已還持此衣奉施僧眾云何死人衣於屍林中死者餘衣無主攝受云何糞掃衣此有五種云何為五一道路棄衣二糞掃處衣三河邊棄衣四蟻所穿

衣五破碎衣復有五種一火燒衣二水所漬衣三鼠嚙衣四牛嚼衣五妹母棄衣

若苾芻得新衣欲作衣者應浣染裁縫兩重為僧伽胝兩重為尼師壇一重為唄咀羅僧伽一重為安咀婆婆若苾芻二重為僧伽胝時若欲更著第三重者帖時得惡作罪至十

一日明相出時便犯捨墮若苾芻於新僧伽胝擿去舊裏擬將別用擿時得惡作罪至十一日明相出便犯捨墮若苾芻於新僧伽胝擿去其裏浣染縫治還欲安此者無犯至十一日明相出時不安了者得泥薩祇如僧伽胝既於尼師壇事皆同此若苾芻有新唄

去七

十一

咀羅僧伽帖第二重帖時得惡作至十一日明相出時便犯捨墮安咀婆婆亦復如是若苾芻得故衣欲作衣者應浣染裁縫四重為僧伽胝四重為尼師壇兩重為唄咀羅僧伽及安咀婆婆若苾芻於二重唄咀羅僧伽及安咀婆婆若欲更著第三重者帖時得惡作

罪十一日明相出時犯捨墮罪若苾芻於此重衣若欲擿去或安不安有犯無犯廣如上說若苾芻得有主衣無主衣往還衣死人衣准其新故重數應知若糞掃衣時隨意重數作無齊限

尔時具壽鄔波離白佛言大德僧伽胝有幾

種條數云何佛告鄔波離有九種別云何為九謂九條十一條十三條十五條十七條十九條二十一條二十三條二十五條鄔波離初三種衣二長一短次三種衣三長一短次三種衣四長一短應作應持過此已上便成破納鄔波離白佛言大德衣之大小有幾差

別佛言僧伽胝有三謂上中下上者豎三肘橫五肘下者豎二肘半橫四肘半二內名中若唄咀羅僧伽及安咀婆婆亦有二種謂上中下量如僧伽胝說鄔波離復有二種安咀婆婆豎二橫五豎二橫四若極下安咀婆婆但蓋三輪是持衣中最小若泥薩祇衣最極

小者但齊從橫一肘若必芻犯捨墮應爲三
事廣如上說又無犯者最初犯人或癡狂心
亂痛惱所纏

使非親尼浣故衣學處第四

尔時菩薩從觀史天下託生劫比羅城淨飯
王家于時四方有大名稱云釋迦族生太子

在雪山邊分踰河側劫比羅仙人所住之處
去斯不遠有婆羅門仙人名阿私多善解占
相王召觀察授記有二種瑞若在家者爲轉
輪王化四天下爲大聖王七寶具足所謂輪
寶象寶馬寶珠寶女寶主藏臣寶主兵臣寶
千子圓滿有大威力勇健無雙能降怨敵盡

去七

十二

斯大地窮四海邊無諸盜賊亦無酷罰以法
理人安隱而住若出家者剃除鬚髮以正信
心從家至非家當得成佛應正徧知名聞十
方弘濟群品是時所有諸國大王皆悉聞知
釋迦太子生在雪山乃至名聞十方弘濟群
品各作是念我今宜往承事太子當於後時

受其福祿又作是念今我無緣能見太子若
我承事淨飯王者即爲承事太子身也時諸
國王咸皆遣使并持國信至淨飯王所後時
菩薩養在深宮年漸長大由見老病死故心
懷憂惱遂往林中屏棄人事時諸國王聞是
事已咸作斯念我今所以事淨飯王者意事

太子而今太子既往林中情求出離我今何
事徒爲費損於是使人及諸國信悉皆斷絕
時僑薩羅國勝光大王與淨飯王國界隣近
信物雖絕使尚往還於時時聞遣使相問所
遣使人是國大臣名曰密護是時密護至淨
飯王所論國事已便於大臣鄔陀夷舍而爲

停止若淨飯王遣使往問勝光王時使遣大
臣鄔陀夷往時鄔陀夷至室羅伐城見勝光
王論王事已於密護舍而爲停止時密護有
婦名曰笈多顏貌端嚴人所樂見是時鄔陀
夷便與笈多共行非法時彼密護聞婦與鄔
陀夷私有交密便作是念此二惡人當斷其

去七

十三

命後更思念我若殺者擾亂王城為大驚怖如何為此罪過婦女殺婆羅門耶即便捨而不問後於異時密護身死時勝光王以無子故所有資財收入王庫時鄔陀夷聞斯事已便作是念我今存在如何令彼笈多無所憑託便於夜中思利害事曉便往詣淨飯王所作如是白王與勝光王國界隣接見有如是不穩便事應遣使人往彼籌度若不問者當招禍敗王便報曰若如是者卿當為使往彼商量時鄔陀夷即便往詣室羅伐城作如是念我今為當先見大王先見臣耶作是念已復更思量求事之法理從下起即便往至國大臣所陳其本意云我啓王欲取笈多幸願仁恩助我言及大臣聞已然可其事時鄔陀夷即便詣勝光王所共論國事即白王曰幸願大王賜與停處王曰卿已曾來何處停止白言我先停在密護之舍王曰今者宜應還停彼處便白王曰密護身死王曰家主雖死

宅豈死耶鄔陀夷曰宅雖不死產業皆無王命臣曰可覓停處安鄔陀夷出已臣白王曰豈鄔陀夷更無停處然被先與笈多交通本意緣斯欲為啓白王今若能攝受此人即是攝受淨飯王矣時勝光王即令使者命鄔陀夷至便告之曰鄔陀夷我實不知卿與笈多先有交密今以笈多與卿為婦宅及財物亦並相供時鄔陀夷拜謝而去是時笈多聞鄔陀夷來詣其舍即出當門大聲啼哭鄔陀夷至門問笈多曰何意啼泣笈多報曰我之所愛夫主身云仁豈於今亦當棄我鄔陀夷曰我本相為而來至此已白王訖汝及家資悉皆相與汝為此任為向劫比羅城笈多自念我今若往劫比羅者婆羅門婦不存我命我今宜應留住於此於其本宅是時鄔陀夷便有兩宅一在劫比羅一在室羅伐城今時菩薩於六年中一無所有修苦行已後便隨意欲受上妙飲食即以飯食及諸酥油

去七

十四

徧塗身體以暖湯水而爲沐浴遂便往詣勝
軍聚落二牧牛女所一名歡喜二名喜力受
十六倍乳糜飽足食已復詣善行男子所取
吉祥草時黑龍王讚歎菩薩向菩提樹下手
目布草不令聊亂跏趺而坐端身正意心念
口言若我諸漏未斷盡者我終不解此跏趺

坐是時菩薩未解跏趺衆惑皆盡

尔時出尊降伏三十六億魔軍兵已證一切
智受梵王請往婆羅痾斯三轉十二行法輪
度五苾芻及以隨五苾芻已即便行詣白疊
林中度六十賢部令住見諦又至勝軍聚落
度二牧牛女亦令見諦又至烏盧頻螺林側
度千外道出家受具又至伽耶山頂現三神
變教化令住安隱涅槃又至杖林令摩揭陀
主頻毗娑羅王住於見諦并度八十百千諸
來天衆無量百千摩揭陀國婆羅門等次至
王舍城受竹林精舍亦與身子目連出家受
具次往室羅伐城受逝多林給孤獨園次至

憍薩羅說少年經令勝光王得見諦已住逝
多林

時勝光王遣使持書往淨飯王所自言大王
王今慶喜太子已證無上正覺亦令有情同
飡甘露今現住在逝多林中時淨飯王聞此
信已以手支頰懷憂而歎往日一切義成太

去七

十五

子修苦行時我常遣使問其安不使者尋還
報我住處比令使問竟無一還今者云來逝
多林內其事如何

時大臣鄔陀夷前詣王所便白王曰大王何
故以手支頰懷憂而住王曰我今豈得不懷
憂耶往日一切義成太子修苦行時我常遣
使問其安不使者尋還報我住處比令使問
竟無一還今有信云一切義成太子證無上
正覺亦令有情同飡甘露來逝多林寧不憂
也時鄔陀夷即白王曰若如是者臣爲使去
持信還歸王曰卿今去矣還於彼住亦不歸
來鄔陀夷曰奉大王命臣必重來時淨飯王

自裁書曰

始從受胎後 我養於世尊 煩惱火恒燒

常希最勝樹 今既長成已 徒眾數無邊

餘人受安樂 惟吾獨辛苦

書了印訖與鄔陀夷時鄔陀夷持王勅書往

室羅伐至世尊所奉上勅書世尊受書便自

披讀時鄔陀夷白世尊曰世尊能向劫比羅

城不

佛告鄔陀夷我共汝去時鄔陀夷憶昔太子

踰城出家父王頻召竟不還國重白佛言必

若世尊不肯歸者我今有力自強將去尔時

世尊聞斯語已即說伽他報鄔陀夷曰

生死愛網若全除 此即誠無將導者

世尊威力無處所 汝何方便能將去

生死愛網若全除 此即將無全導者

世尊境界無處所 汝何方便能將去

十六末

根本說一切有部毗奈耶卷第十七 去七

暴曬 反上瀟木薄報二

力結 反下所莫取反 噀 反上烏達反 春擣 反上詩答

果炒 反楚巧聊反郎那 肘梯 反上知柳反 撩 反音寮 祠祀

二字音 篋 反上必迷反 杭 反音二同 軛 反音厄 軾 反音二

局角 反下同 希望 反下音漬反 在 反音尼 八 反音 齧 反音

吾結 反下 妳 反反 擿 反他的 酷罰 反上音伐 笈 反音

反牧音糜 密碑

根本說一切有部毗奈耶卷第十八 去八

唐三藏法師義淨奉 制譯

使非親尼浣故衣學處第四之二

尔時鄔陀夷聞佛世尊說伽陀已頂禮佛足

白佛言世尊我欲還宮白父王知佛告鄔陀

夷為佛使者理不應然鄔陀夷白佛言為佛

佛